

V. In hoc cognovi quoniam voluiste me.

R. Quoniam non gaudebit inimicus meus super me.

Ad Sextam.

Ant. Tu gloria Jerusalem.

Capitulum. Ezech. 44.

Porta hæc clausa erit: non aperietur, et vir non intrabit per eam, quoniam Dominus Deus Israel ingressus est per eam, eritque clausa Principi. Princeps ipse sedebit in ea.

R. *br.* In hoc cognovi, * Quoniam voluisti me. In hoc cognovi.

V. Quoniam non gaudebit inimicus meus super me. Quoniam voluisti. Gloria Patri. In hoc cognovi.

V. Exaltabo te, Domine, quoniam suscepisti me.

R. Nec delectasti inimicos meos super me.

Ad Nonam.

Ant. Trahe nos.

Capitulum. Apoc. 12.

Signum magnum apparuit in cœlo: Mulier amicta sole, et luna sub pedibus ejus,

et in capite ejus corona stellarum duodecim.

R. *br.* Exaltabo te Domine. * Quoniam suscepisti me. Exaltabo.

V. Nec delectasti inimicos meos super me. Quoniam. Gloria Patri. Exaltabo.

V. Immaculata Conceptio tua Dei Genitrix virgo.

R. Gaudium annuntiavit universo mundo.

IN II. VESPERIS.

Omnia ut in primis. Ad Magnificat. Ant.

Hodie egressa est virga de radice Jesse: hodie sine ulla peccati labe concepta est Maria: hodie contritum est ab ea caput serpentis antiqui. Alleluja.

Et fit commemoratio Ferie.

DIE XV. OCTAVA

IMMACULATÆ CONCEPTIONIS B. M. V.

Duplex minus.

*Omnia ut in Festo præter Lect. II. et III.
Noct.*

Et fit comm. S. Gregorii.

*Añã. Amavit. V. Justum. Oratio ut in
die, et Feriã.*

Lect. I. Noct. de Script. occur.

*Si hac die occur. Feria IV. Quatuor Tem-
por. Lect. I. Noct. leguntur ut in die Festi,
et Lect. IX de Homilia Feriã.*

IN II. NOCTURNO.

EX BULLA DOGMATICA PII PAPÆ NONI.

Lectio IV.

Ab antiquis temporibus Sacrorum Antis-
tites, Ecclesiastici viri, Regulares Ordines ac
vel ipse Imperatores et Reges ab hac Apo-
stolica Sede enixe efflagitarunt, ut Inma-
culata sanctissimæ Dei Genetricis Cencep-

tio veluti catholicæ fidei dogma definiretur.
Quæ postulationes hac nostra quoque ætate
iteratæ fuerunt, ac potissimum felicis recor-
dationis Gregorio decimosexto Prædecesso-
ri nostro, ac nobis ipsis oblatæ sunt tum ab
Episcopis, tum a Clero Sæculari, tum a Re-
ligiosis Familiis, ac summis Principibus et
fidelibus populis. Nos itaque singulari ani-
mi nostri gaudio hæc omnia probe noscen-
tes, ac serio considerantes, vix dum, licet
immeriti, arcano divinæ Providentiæ consi-
lio ad hanc sublimem Petri Cathedram eve-
cti totius Ecclesiæ gubernacula tractanda
suscepimus, nihil certe antiquius habuimus,
quam pro summa nostra vel a teneris annis
erga sanctissiman Dei Genetricem Virgi-
nem Mariam veneratione, pietate et affectu
ea omnia peragere, quæ adhuc in Ecclesiæ
votis esse poterant, ut beatissimæ Virginis
honor augetur, ejusque prærogativæ uberi-
ori luce nitèrent.

By. Ego ex ore Altissimi.

Lectio V.

Itaque plurimum in Domino confisi ad-
venisse temporum opportunitatem pro Im-
maculata sanctissimæ Dei Genetricis Vir-

ginis Mariae Conceptione definienda, quam divina eloquia, veneranda traditio, perpetuus Ecclesiae sensus, singularis catholicorum Antistitum ac fidelium conspiratio, et insignia Praedecessorum nostrorum acta, Constitutiones mirifice illustrent atque declarant; rebus omnibus diligentissime perpensis et assiduis fervidisque ad Deum precibus effusis, minime cunctandum nobis esse censuimus supremo nostro iudicio Immaculatam ipsius Virginis Conceptionem sancire, definire, atque ita pietissimis catholici orbis desideriis, nostraeque in ipsam sanctissimam Virginem pietati satisfacere, ac simul in Ipsa Unigenitum Filium suum Dominum nostrum Jesum Christum magis atque magis honorificare, cum in Filium redundet quidquid honoris et laudis in Matrem impenditur.

R. Nihil inquinatum.

Lectio VI.

Quare postquam nunquam intermisimus in humilitate et jejunio privatas nostras et publicas Ecclesiae preces Deo Patri per Filium ejus offerre, ut Spiritus sancti virtute

mentem nostram dirigere et confirmare dignaretur, implorato universae caelestis Curiae praesidio, et advocato cum gemitibus Paraclito Spiritu, eoque sic adspirante; ad honorem Sanctae et individuae Trinitatis, ad decus et ornamentum Virginis Deiparae, ad exaltationem Fidei catholicae et Christianae Religionis augmentum, auctoritate Domine nostri Jesu Christi, beatorum, Apostolorum Petri et Pauli, ac nostra declaramus, pronunciamus et definimus: Doctrinam quae tenet beatissimam Virginem Mariam in primo instanti suae Conceptionis fuisse singulari omnipotentis Dei gratia et privilegio, intuitu meritorum Christi Jesu Salvatoris humani generis, ab omni originalis culpa labe praeservatam immunem, esse a Deo revelatam, atque idcirco ab omnibus fidelibus firmiter constanterque credendam. Quapropter si qui secus ac a nobis definitum est, quod Deus avertat, praesumpserint corde sentire, ii noverint ac porro sciant se proprio iudicio condemnatos, naufragium circa fidem passos esse, et ab uninate Ecclesiae defecisse.

R. Signum magnum.

IN III. NOCTURNO.

LECTIO SANCTI EVANGELII SECUNDUM LUCAM.

Lectio VII. Cap. 1.

In illo tempore: Missus est Angelus Gabriel a Deo in civitatem Galilææ, cui nomen Nazareth, ad Virginem desponsatam viro, cui nomen erat Joseph, de domo David, et nomen Virginis Maria. Et reliquia.

Homilia sancti Epiphanii Episcopi.

Orat. de laud. S. Mariæ Deiparæ.

Quid dicam, aut quid proloquar de præclara et sancta Virgine? Solo enim Deo excepto cunctis superior extitit; natura formosior est ipsis Cherubim et Seraphim, et omni exercitu Angélico: cui prædicandæ cœlestis ac terrena lingua minime sufficit, imo vero nec Angelorum. O Beata Virgo, columba pura et sponsa cœlestis Maria, cœlum, templum, et thronus Divinitatis, quæ coruscantem in cœlo et in terra solem ha-

bes Christum! Nubes lucida, quæ fulgur de cœlo lucidissimum ad illuminandum mundum deduxisti Christum. Ave gratia plena Porta cœlorum, de qua in Canticis propheta in decursu orationis plane et aperte proloquitur inclamans: Hortus conclusus, sorsor mea sponsa, hortus conclusus fons signatus.

R. Hortus conclusus.

Lectio VIII.

Virgo est liliū immaculatum, quæ rosam immarcescibilem genuit Christum. O Sancta Deipara, Ovis immaculata quæ verbum ex te incarnatum Agnum Christum peperisti! O Virgo sanctissima quæ exercitus angelorum in stuporem deduxisti! Stupendum est miraculum in cœlis, mulier amicta sole, gestans lucem in ulnis: stupendum miraculum in cœlis thalamus Virginis habens Filium Dei: stupendum miraculum in cœlis, Dominus Angelorum infans Virginis effectus est. Angeli accusabant Evam, nunc vero Mariam gloria prosequuntur, quæ lapsam Evam erexit, et Adamum e paradiso dejectum in cœlos misit. Ipsa

enim est cœli et terræ mediatrix, quæ unionem naturaliter peregit.

R. Magnifica anima mea.

Lectio IX.

Gratia sanctæ Virginis est immensa. Hinc Gabriel in primis salutatur Virginem, dicens: Ave, gratia plena, quæ es splendidum cœlum. Ave gratia plena, multis virtutibus exornata Virgo. Ave, gratia plena, quæ es urna aurea continens manna cœlestis. Ave, gratia plena, quæ sitientes perennis fontis dulcedine satias. Ave sanctissima Mater Immaculata, quæ genuisti Christum, qui est ante te. Ave pûrpura regia, quæ cœli terræque Regem induisti. Ave liber incomprehensus, quæ Verbum et Filium Patris mundo legendum exhibuisti.

Te Deum.

In Laud. fit comm Ferie.

In II. Vesp. omnia ut in II. Vesp. Festi, comm. seq. et Ferie.

impoverant Nos...
regime in...
entia...
que...
vult...
que...
Miss...
Beatis...
ita...
pro...
tam...
ap...
tiam...
plendi...
con...
con...
gaba...
evan...
tam...
tu...
con...
ap...
A...
ap...
A...

PIVS PP. IX.

AD PERPETVAM REI MEMORIAM.

Quod jam pridem ab hac Apostolica Sede communis fidelium vota precesque postulaverant, quod que ad augendam in terris Beatissimæ Genitricis Dei gloriam maxime pertinebat, id Nos tandem divino adflante Spiritu præstitimus: quia sexto Idus Decembris Anni Millesimi octingentesimi quinquagesimi quarti, in Patriarchali Basilica Nostra Vaticana, frequentissima adstante S. R. E. Cardinalium et Sacrorum Antistitum corona, pronuntiavimus, declaravimus ac defirmavimus, doctrinam, quæ tenet Beatissimam Virginem Mariam in primo instanti suæ Conceptionis fuisse, singulari Dei Omnipotentis gratia et privilegio, intuitu meritorum Jesu Christi Redemptoris humani generis, ab omni originalis culpæ labe præservatam, esse a Deo revelatam, atque idcirco ab omnibus fidelibus firmiter, constanterque credendam. Difficile porro dictu est quanto exinde gaudio perfusi fuerint universi Catholici Orbis Antistites cum Clero suo, nec non Principes viri, ceterique ejusdemque ordinis fideles, quippe qui in flammato studio ducti honore debito prosequendi immaculatam Virginem Genitricem Dei Mariam, majorem exempli æmulati, id ipsum vovissimam hac ætate iteratis precibus ab hac Sancta Sede

imploraverant Nos quidem vix dum ad universae Ecclesiae regimen meritis licet imparibus evecti fuimus, id praecipue curavimus, ut secundum Ecclesiae vota, ea perageremus quae ad augendum Deiparae Virginis cultum pertinerent, utque excellentissimae illius dotes et collata divinitus privilegia atque ornamenta, fidelium oculis clarius nitescerent; qua de causa novum ecclesiasticum Officium, novamque Missam approbavimus, ut solemnius celebraretur festum Beatissimae Virginis sine labe originali conceptae; atque ita, arcano Dei consilio, non intermissis hujusmodi curis, via quodammodo sterna visa est, ad solemne edendum decretum, quod, de immaculato Deiparae conceptu, memorata die atque anno pronuntiavimus. Verumtamen quoniam necessarium esse novimus, ut cum lege credendi lex conveniat supplicandi, ideo eo curas Nostras convertimus, ut novum conderetur Officium cum nova Missa, tam in Vigilia, ubi concessa est, quam in festo immaculatae Conceptionis, quibus singula haec ex ordini recolantur, et faustissimi eventus series futuris in posterum aetatibus innoscat. Jamvero quum hujusmodi opus ad optatum exitum perductum sit, memoratum Officium, Missamque respondentem, de consilio peculiaris Congregationis Sacrorum Rituum ad id apposite per Nos deputatae, Auctoritate Nostra Apostolica approbandam existimavimus. Itaque de ejusdem Congregationis consilio, certa scientia ac matura deliberatione Nostra, superius indicatum Officium, Missamque Officio respondentem, nec non pro locis, ubi est concessa, Missam pro Vigilia immaculatae Conceptionis Auctoritate Nostra Apostolica per praesentes Litteras promabimus, eademque Auctoritate praecipimus, ut hoc unice Officium et Missam quicumque de Clero saeculari, et regulari, non exclusis Monialibus, ad Horas Canonicas persolvendas quocumque titulo teneantur, adsumere debeant, Romae quidem, atque ubi fieri commode possit, hoc ipso anno vertente, alibi vero sequenti Anno MDCCCLXIV, sub poena Divini Officii onus minime adimplendi. Ne quis vero reputet, peculiari quocumque titulo etiam speciatim designando hujusmodi generali praescriptione minime comprehendendi, Auctoritate Nostra Apostolica abolemus, et proscribimus quodcumque aliud Officium, et cuicumque aliam Missam de immaculata Conceptione, etiam si sint ritus a Romano diversi, ac licet singulari privilegio concessa fuerint, etiam cuicumque Ordini regulari, ac jubemus, ut in novis editionibus Breviarii et Missalis haec unice apponatur.

Officium in corpore Breviarii, et Missa imprimatur in corpore Missalis de VIII Decembris; in appendice vero Missalis Missa de Vigilia adjiciatur pro locis, ubi ex Apostolica concessione vigilia celebratur. Et quoniam nonnullae regularium familiae ritum servant à Romano diversum, volumus ut ipsae quantocius exhibere teneantur Congregationi Sacrorum Rituum, pro opportuno examine et revisione additiones aut variationes proprio ritui respondentes. Haec velimus, jubemus, mandamus, contrariis speciali licet, atque individua mentione dignis non obstantibus quibuscumque.

Datum Romae apud Sanctum Petrum sub Annulo Piscatoris, die XXV Septembris MDCCCLXIII Pontificatus Nostri Anno Decimotavo.

N. CARD. PARACCIANI CLARELLI.

